

Sier Bernardin Minoto <i>el grando</i> , qu. sier Piero.	264.827
† Sier Bernardin Bondimier, fo zudeze di Proprio, qu. sier Hironimo, qual oferse ducati 500 e dona il don, tutti contadi, e cresse ducati 150, sichè in tutto siano ducati 650, e dona il don	685.411
Sier Bortolo Morexini, fo Cao di XL, qu. sier Lorenzo, qual oferse ducati 500, et ne ha portà contadi 400 e dona il don, et azonse ducati 100, in tutto ducati 500.	482.606
Sier Alvise Mudazo <i>el grando</i> , qu. sier Piero, ducati 700 e il don	397.690

Un Provedador a la Justicia nuova.

Sier Zuan Francesco Gradenigo, fo XL, qu. sier Lionello, qual oferse ducati 350 e dona il don, di qual portò contadi ducati 300.	595.517
† Sier Andrea Minio, fo Cao di XL, di sier Lorenzo, dopio, qual oferse ducati 400, di qual portò contadi 300 e dona il don, e azonse altri ducati 100, in tutto ducati 500	669.446
Sier Alvise Mudazo qu. sier Zuan Antonio qu. sier Alvise, ducati 100 contadi, qual i dona e dona ducati 100 di sier Piero Mudazo so barba contadi	305.807
Sier Zuan Dolfin, el XL zivil, di sier Lorenzo, ducati 300 contadi e il don	599.413

Podestà a Caorle.

† Sier Zuan Francesco Pizamano, fo avocato grando, qu. sier Alvise	696.413
Sier Piero Morexini qu. sier Zuane da Santo Anzolo	630.480

Castelan a Traù.

† Sier Zuan Zane qu. sier Alvixe	762.370
Sier Zuan Batista Morexini qu. sier Lorenzo	611.482

Un a l'oficio di X Savii in Senato.

† Sier Alvixe Donado qu. sier Polo, oferse ducati 300 e il don.	688.416
-------------------------------------------------------------------------	---------

Non. Sier Domenego da Mosto, fo podestà e capitano di Civaldi di Belun, qu. sier Nicolò	
Sier Luca da cha' da Pexaro, fo auditor vechio, qu. sier Alvise, qu. sier Luca	402.639
Sier Zacaria Gradenigo, fo podestà e capitano a Sazil, qu. sier Zuan, ducati 200 e il don	637.452

Un oficial a la Becharia.

† Sier Piero Miani di sier Polo Antonio, dopio	825.218
----------------------------------------------------------	---------

Fo stridato far, il primo Gran Consejo, uno altro Governador de l'intrade e Camerlengo a Padoa et Camerlengo a Zara. 234*

Et licentiato Gran Consejo, la Quarantia novissima si reduce a compir una causa, per esser terzo Consejo, e la expedi.

Etiam il Consejo di Pregadi si reduce e fo leto queste lettere:

Di campo, dil provedador Griti, da Villafrancha, di 6, ante auroram. Come eri, poi disnar, essendo andato a Bonosso insieme con monsignor di Lutrech e el Governador nostro e altri, per esser a parlamento con lo Episcopo di Trento e altri commessari cesarei et catholici, juxta l'hordene dato: qual insecontrandosi a cavallo, prima si salutono, poi insieme se reduseno a parte, *videlicet* lo Episcopo di Trento, il capitano Monte Alto e uno altro todesco, non sa il nome, et uno dotor loro secretario, e per lui lo illustrissimo Lutrech, monsignor di Scut so' fradelo, monsignor di San Polo, il Governador e lui Provedador e li nostri secretari. Dove dito Episcopo di Trento comenzò a dir esser venuti li per nome di la Cesarea Maestà et la Catholica Alteza, per esser a parlamento con dito Lutrech, hessendo seguita la pace et acordo tra quelle Maestà, e per dar forma di levar le ofese e dar forma di levar le zente *hinc inde*; sichè, volendo esso Lutrech levar il campo, *etiam* loro manderiano via le zente hanno in Verona. Al che monsignor di Lutrech disse, si 'l savea francese. Rispose di non, et volse che lui Provedador fusse suo interprete. Qual recusando, li fo forzo far tal oficio, et disse cussi: « Monsignor, mi non so di levar le zente; ma ho auto dal Christianissimo re li capitoli conclusi e sotoscritti, quali, volendo vederli, ve li monstrarò, e per la pace fata, Verona dia esser consignata a la Catholica Alteza, et poi quella a mi ra-